



蘇文忠公集卷第三

古詩四十三首

送宋構朝散知彭州迎侍二親

東來誰迎使君車知是丈人屋上烏丈人今年二毛

初登樓上馬不用扶使者負弩為前驅
一作人不復誇

一作相如老幼化服一事無有鞭不施
一作用蒲春流

如天漲平湖程江照座香生膚卷禱上壺
一作白玉壺公

堂登歌屨將鶴諾孫歡笑爭挽鬚蜀人妻
一作西湖圖

與趙陳同過歐陽對弼新治小菴

江湖渺故國風雨傾舊廬東來三十年
此一東書

尺椽亦何有而我常客居羨君開此室空
膝真有餘拊床琴動搖弄筆燈明虛晚來龍作雨天
明雪填渠及形欣爾夢回聞剝啄誰呼趙陳子添一
走沽酒赤脚起摘蔬主益嘗嘆我玉鱗金尾魚一醉
忘其家此身日漢

靈上訪道人不過

花光紅滿欄草色綠無岸不逢青眼人長
歌白石澗次韻孫羊老斗野亭寄子由在
那伯堰落帆謝公渚日脚東西平孤亭得小憩
道不景舍餘清坐待斗與牛錯落掛南甍老僧
如宿昔一笑意已傾

新詩出故人舊事疑前生吾生七往來
送老海上城逢人輒自哂得魚不忍烹似聞
績溪老伯以作東都行小詩如秋菊艷艷霜
中明過此感我言巨以篇發春榮

送淡公二首

燕本冰雪骨越淡蓮花風五言雙寶刀
聯響高飛鴻翰苑錢舍人詩韻鏗雷公識本
不識淡仰詠嗟無窮清韻生物表朗玉傾壺
中常於冷竹坐相語道意冲崧洛興不薄稽
江事難同明日若不来我作黃石翁何以兀
其心為君學虛空坐重青草公意合滄海濱
渺渺獨見水悠悠不聞人

鏡浪洗手涿剡花入心春雖然防外觸眼前遠衣新
行當譯文字慰此吟慙慙

酒醒步月理髮而寢

羽蟲見月爭翱翔我亦散髮虛明軒千梳冷快肌骨
醒風露氣入霜蓬根起舞三人謾相屬信益一問終
無言曲肱薤簟有佳處夢覺瓊樓空斷雲

次韻正輔江行見桃花

曲士賦懷沙草木傷莽莽達德一作人無荆棘坐失嶺
嶠阻我兄瑚璉安流落瘴江浦淨眼見桃花紛紛隨
紅雨蕭然振衣袂一作袂笑問散花女我觀解語花

粉色如黃土一言破千偈况爾初不語可憐一轉話
他日如何舉顧復此微吟聊和嘔啞槽江邊閑草木
閑客當為主迹來子美瘦正坐作詩苦袖手焚筆硯
清篇真謾與願兄理此轅六轡去如組上林桃花開
水暖鴻北翥

江月五首并引

嶺南氣候不常吾嘗云菊花開時乃重陽涼天佳
月即中秋不須以日月為斷也今歲九月殘暑方
退既望之後月出愈遲然予嘗夜起登合江樓或
與客游豐湖入栖禪寺扣羅浮道院登逍遙堂逮

曉乃歸杜子美云四更山吐月殘夜水明樓此殆
古今絕唱也因其句作五首仍以殘夜水明樓為
韻

一更山吐月玉塔卧微瀾正似西湖上湧金門外看
冰輪橫海闊香霧入樓寒傳鞭且莫上照我一杯殘
二更山吐月幽人方獨夜可憐人與月夜夜江樓下
風枝又未停露草不可藉歸來掩閉一作關卧唧唧虫

夜話

三更山吐月栖鳥亦驚起起尋夢中遊清絕止如此
驅雲掃揭一作泉溜俯仰迷空水幸可飲我牛不須違

洗耳

四更山吐月皎皎為誰明幽人赴我約坐待玉繩橫
野橋多斷板山寺可微行今夕定何夕夢中游化城
五更山吐月窓迥室幽幽玉鈎還掛戶江練却明樓
星河淡欲曉鼓角冷知秋不眠翻五詠清切變蠻謳

白水山湯泉

積水焚大槐畜油燒武庫驚然丞相并疑洗將軍布
自憐耳目隘未測陰陽故鬱攸火山裂甯沸湯泉注
豈惟渴獸駭坐使癡鬼一作兒怖安能長魚鱉但可燔
狐兔山中惟木客戶外時並一作芒履雖無傾城浴幸

免亡國污

送張大亨長官

都城昔傾蓋駁一作馬初服輶再見江湖間秋鷹已
離韝于今三會面每進不少留豫章既可惜瑚璉誰
當收微官有民社妙割無雞牛歸來我益敬器博用
自周百年子初延我已迫旅酬但當記苦語高節貫
白頭

送芝上人遊廬山

二年閣三州我老不自惜團團如磨牛步步踏陳迹
豈知世外人長與魚鳥逸老芝如雲月炯炯時一出

以年三見之常若有所適逝將老一作廬阜計闕道
愈密吾生如寄耳出處誰能必江南千萬峯何處訪
子室

徐疇使君與其子端常邀僕與兒子過游東

山浮金堂

昔與徐使君共賞錢塘春愛此小天竺時來中聖人
松如遷客老酒似使君醇繫舟藤城下弄月鐺江濱
江月夜夜好山雲朝朝新使君有令子真是石麒麟
我子乃散材有如木輪困二老白接羅兩郎烏角巾
醉卧松下石扶歸江上津浮橋半沒水揭此碧鱗鱗

初過嶺

一念失垢汗身心洞清
淨浩然天地間唯我獨也正
今朝嶺上行身世永相忘
仙人拊我頂結髮受長生

北歸次韻

秋風捲黃落朝雨洗淥
淨人貪歸路好節近中原正
下嶺獨徐行艱難作未敢忘
遙知對孫子已致魯
諸生

石塔寺唐之木蘭院也其徒至今以飯後鍾
為作東坡老人為一洗之

饑眼眩西東詩腸忘早晏但雖一作知燈是火不悟鍾

非飯山僧異漂母聊可供一莞胡在四三十年記憶作此
訕齋厨養若人無益只遺患乃知飯後鍾閣梨蓋具眼

送淵師歸徑山

我昔嘗為徑山客至今詩筆餘山色師住此山三十
年妙語應須得山骨溪城六月水雲蒸飛蚊猛捷如
花鷹羨師方丈冰雪冷蘭膏不動長明燈山中故人
聞子至爭來問訊今何似為言百事不如人兩眼猶
能書細字徑山下無妙余舊詩云問龍乞
水歸洗眼欲看細字殘年

上韓持國

韓氏三虎秉樞極中有一虎似偉節端居隱几學無

心夙駕入朝常正色犯時獨行太喂嶇回天不忌真
藥石輦致歸來荷二聖推排使至有衆力吾儕小人
但飽飯不有君子何能國西湖醉卧春水船如何為
人作豐年

送別

鴨頭春水濃如染水面桃花弄春臉衰翁送客水邊
行沙襯馬蹄烏帽點昂頭問客幾時歸客道秋風落
葉飛繫馬綠楊開口笑傍山依約見斜暉

琴枕

清眸作金徽素齒為玉軫響泉竟何用金帶常苦

爛斑漬珠淚宛轉堆雲鬢君若安七絃應彈卓氏引

黃州

南山一尺雪雪盡山蒼然澗谷深自暖梅花應已繁
使君厭騎從車馬留山前行歌招野叟共步青林間
長松得高蔭盤石堪醉眠祇樂聽山鳥携琴寫幽泉
愛之欲忘返但苦世俗牽歸來始覺遠明月高峰顛

常山贈劉鋹

劉侯年少日駿馬拊便面接弓鴈自落不待白羽貫

古風

精神洞元化白日昇高旻俯仰凌倒景龍行速如神

半道過紫府弭節聊逡巡金床設寶几璀璨明月珎
仙者二三子眷然骨肉親飲我霞石盃放盃恍如春
遂朝玉虛上冠劍班列真無端拜失儀放棄令自新
雲霄難遽返下土多埃塵淮南守天庖嗟我復何人

遊杭州山

山平村塢迷野寺鍾相荅晚陰失林莽一作落日猶
在塔行招兩社僧共步青山月送客渡石橋迎客出
林樾幽尋本真性往事聽徐說錢王方壯年此邦事
輕俠鄉人鄙貧賤異類識英傑立石像興王遺址今
及業功勲三吳定富貴四海甲歸來父老歲崇高畏

傾一作輕壓詩人工譏病此欲恣挑挾流傳後世人談
笑資口舌是非今已矣興廢何倉卒持歸問禪翁笑
指浮漚沒

送楊孟容

我家我媚陰與子同一邦相望六十里共飲玻璃江
江山不違人徧滿千家牕但苦窓中人寸心不自降
子歸治小國洪鍾噓微撞我留侍玉座弱步歌豐扛
後生多高才名與黃童雙不肖入州府故人餘老龐
慇懃與問訊愛惜霜眉厖何以待我歸寒醅發春缸

送孟容知懷安

遊三遊洞遊洞之日有亭吏乞詩既為留三
絕句於洞之石壁明日至峽州吏又至意若
未足乃復以此授之

一徑遶山翠紫紆去似蛇忽驚溪水急爭看洞門呀
滑磴攀秋蔓飛橋踏古槎三扉迎北吹一穴向西斜
歎息煙雲去追思歲月遐唐人昔未到古俗此為家
洞暖無風雪山深富庶猴相逢衣畫草環坐髻應髻
竈突依巖黑搏罍就石窪洪荒無傳記想像在犧媧
此事今安有遺蹤我獨嗟山翁勸留句強為寫槎牙

穆父新涼

家居妻兒號出仕猿鶴怨未能逐什一安敢博九萬
常恐榜檣身坐纏冠蓋蔓受恩如負債以粗報乃焚券
但知眠牛衣寧免刺虎圈清風來既雨而新稻香可飯
紫螯應已肥白酒誰能勸君今崔蔡丁政比張趙健
三公行可致一語自先獻幸推江湖適我魚鳥願
六觀堂老人草書
六觀取金一
夢幻等六
也
物生有象象乃滋夢幻無根成斯頃乃其夢時了非
無泡影一失俯仰殊清露未晞電已滅滅盡乃
真吾心如死灰實不枯逢場作戲三杯俱化身為鑿
忘其軀草書非學聊自娛落筆已喚周越奴蒼鼠奮

鬢飲松腴剡溪玉板開雪膚游雲天飛萬人呼莫作
羞澁羊氏姓

無題

引手攀紅櫻紅櫻落如線仰首看紅日紅日走如箭
年光與時景頃刻互衰變何當血肉白牙安得常強健
人心苦執迷富貴憂貧賤憂色常在眉歡容不上面
吾今頭半白把鏡非不見惟應花下盃更待他人勸
十一月三日與幾先自竹西來訪慶老不見
獨與君卿供奉蟾知客東閣道話久之惠州

追錄

卷卷長廊走黃葉席簾垂地香烟歇主人待來終不
來火紅銷盡灰如雪

古意

兒曹鞭笞學官府翁憐兒癡旁笑侮翁出坐曹鞭復
呵賢於群兒能幾何兒曹鞭人以為戲公怒鞭人血流
地等為戲劇誰復先我笑為翁兒更賢

與過子遊羅浮

人間有此白玉京羅浮見日雞一鳴南樓未必齊日
觀鬱儀自欲朝朱明東坡之師袍朴老真契早已交
前生玉堂金馬久流落寸田尺宅今誰耕道華亦嘗

啖一棗契虛遂欲仇三彭鐵橋石柱連空橫杖藜欲
赴飛猱輕雲溪夜逢瘖虎伏斗壇畫出銅龍獍小兒
少年有奇志中宵起坐存黃庭近者試出戲作凌雲
賦筆勢彷彿離騷經負書從來盍歸去群仙正草新
宮銘汝方應一作奴隸蔡少霞我亦季孟山玄卿還須
略報老同林羸糧萬里尋初平

次子由詩相慶

我似老牛鞭不動雨滑泥深四蹄重汝如黃犢却走
東海關山高百程送庶幾門戶有八慈不恨居鄰無
二仲他年汝曹笏滿床中夜起舞踏破甕會當洗眼

看騰躍莫惜癡腹笑空洞譽兒雖是兩翁癖積德已
自三世種豈惟萬一許生還尚恐九十煩珎從六子
晨耕輦瓢出衆婦夜緝燈火共春秋古史乃家法詩
筆離騷亦時用但令文史還照一作世糞土腐餘安
足夢

送楊孟容

我家峨眉陰與子同一邦相望六十里共飲玻璃江
江山不違人徧滿千家牕但苦窓中人寸心不自降
子歸治小國洪鍾噓微撞我留侍玉座弱步歌豐扛
後生多高才名與黃童雙不肖入州府故人餘老龐

慙慙與問訊愛惜霜眉厖何以待我歸寒醅發春缸

送淵師歸徑山

我昔嘗為徑山客至今詩筆餘山色師住此山三十年妙語應須得山骨溪城六月水雲蒸飛蚊猛捷如花鷹羨師方丈冰雪冷蘭膏不動長明燈山中故人聞子至爭來問訊今何似為言百事不如人兩眼猶能書細字徑山下無蚊余舊詩云問龍乞水歸洗眼欲看細字銷殘年

漁父四首

漁父飲誰家去魚蟹一時分付酒無多少醉為期彼此不論錢數

漁父醉蓑衣舞醉裏却尋歸路輕舟短棹任斜橫醒後不知何處

漁父醒春江午夢斷落花飛紫酒醒還醉醉還醒一

笑人間今古

漁父笑輕鷗舉漠漠一江風雨江邊騎馬是官人借我孤舟南渡

蘇文忠公集卷第三

蘇文忠公集卷第四

古詩六十二首

越州張中舍壽樂堂

青山偃蹇如高人常時不肯入官府高人自與山有
素不待招邀滿庭戶卧龍蟠屈半東州萬室鱗鱗枕
其股背之不見與無同狐裘反衣無乃魯張君眼力
覩天奧能遣荆棘化堂宇持願宴坐不出門收攬奇
秀得十五才多事少厭閑寂卧看雲煙變風雨笋如
玉筋椹如簪強飲且為山作主不憂兒輩知此樂但
恐造物恠多取春濃睡足午窓明想見新茶如潑乳

送岑著作

懶者常似靜靜豈懶者徒拙則近於直而直豈拙歟
夫子靜且直雍容時卷舒嗟我復何為相得歡有餘
我本不違世而世與我殊拙於林間鳩懶於冰底魚
人皆笑其狂子獨憐其愚直者有時信靜靜者不終
居而我懶拙病不受砭藥除臨行恹酒薄已與別淚
俱後會豈無時遂恐出處踈惟應故山夢隨子到吾
廬

送張職方吉甫赴閩漕六和寺中作

羨君超然駕鶴姿江湖欲下還飛去空使吳兒怨不

留青山漫漫七閩路門前江水去掀天寺後青池碧
玉環君如大江日千里我如此水千山底

和蔡準郎中見邀遊西湖三首

夏潦漲湖深更幽西風落木芙蓉秋飛雪閣天雲拂
地新蒲出水柳映洲湖上四時看不足惟有人生飄
若浮解顏一笑豈易得主人有酒君應留君不見錢
塘遊宦客朝推囚暮決獄不因人喚何時休

城市不識江湖幽如與蟪蛄語春秋試令江湖處城
市却似麋鹿遊汀洲高人無心無不可得坎且止乘
流浮公卿故舊留不得遇所得意終年留君不見拋

官彭澤今琴無絃中有酒醉欲眠時遣客休
田間決水鳴幽幽插秧未徧麥已秋相携乃燒筍苦竹
寺却下踏藕荷花洲船頭斫鮮細縷縷船尾炊玉香
浮浮臨風飽食得甘寢肯使細故胃中留君不見壯
士憔悴時饑謀食渴謀飲功名有時無罷休

七月一日出城舟中苦熱

涼颼呼不來流汗方被體稀星乍明滅暗水光瀾瀾
香風過蓮葉驚枕散鱗鱧欠伸宿酒餘起坐濯清泚
火雲勢方壯未受月露洗身微欲安適坐待東方啓

宿臨安淨土寺

雞鳴發餘杭到寺已亭午參禪固未暇飽食良先務
平生睡不足急掃清風宇閉門群動息香篆起煙縷
覺來息石泉紫筍發輕乳晚涼沐浴罷衰髮稀可數
浩歌出門去暮色入村塢微月半隱山圓荷爭瀉露
扣携石橋上夜與故人語明朝入山房石鏡炯當路
昔照熊虎姿今為猿鳥顧廢興何足弔萬世一仰俯
自淨土寺步至功臣寺

落日岸葛巾晚風吹羽扇松間野步穩竹外飛橋轉
神功鑿橫嶺巖石得巨片直度千人溝下有微流注
罔壘蔚回合金碧爛明絢緬懷異姓王負樵此鄉縣

長逢跨下辱屣乞桑間飯誰謂山石頑識此希世彥
凜然英氣逼屹起猶奮戰他年萬騎歸公老恣歡宴
錦繡被原野金珠散貧賤實融既入朝吳芮空記面
崇華坐消歇閱世如郵傳惟有長明燈依然照深殿

遊徑山

衆峯來自天目山勢若駿馬奔平川中塗勒破千里
足金鞭玉轡相回旋人言山住水方住下有萬古蛟
龍淵道人天眼識王氣結茅冥坐荒山顛精誠貫山
石為裂天女下試顏如蓮寒窓暖足來朴握衣鉢呪
水降蜿蜒雪眉老人朝扣門顛為弟子長參禪尔來

廢興三百載奔走吳會輸金錢飛樓涌殿壓山谷朝
鐘暮鼓驚龍眠晴空仰見滄海蜃落日下數投村鷲
有生共處覆載內擾擾膏火同烹煎近來愈覺世路
益每到寬處差安便嗟余老矣百事廢却尋舊學心
茫然問龍乞水歸洗眼欲看細字銷殘年龍井水洗
病眼有效

自徑山

回得呂察推詩用其韻招之宿湖上

多君貴公子愛山如愛色心隨葉舟去夢繞千山碧
新詩到中路令我喜折屐古來軒冕徒操捨兩悲慄
數朝辭簪笏兩脚得暫赤歸來不入府却走湖上宅
寵辱吾久忘寧畏官長詰飄然便欲去誰在子思側

君能從我游出郭及未黑

宿望湖樓再和

新月如佳人出海初弄色娟娟到湖上潏潏搖空碧
夜涼入未寢山靜聞響屐騷人故多感悲秋更慘慄
君胡不相就朱墨紛黜赤我行得所嗜十日忘家宅
但恨無友生詩病莫訶詰君來試吟味定作鶴頭側
改罷心愈疑滿紙蛟蛇黑

夜泛西湖五絕

新月生魄迹未安纔破五六漸盤桓今夜吐艷如半
璧游人得向三更看

三更向闌月漸垂欲落未落景特奇明朝入事誰料
得看到蒼龍西沒時

蒼龍已沒牛斗橫東方芒角升長庚漁人收筒及未

曉船過惟有菰蒲聲

湖上禁漁皆
盜釣也

菰蒲無邊水茫茫荷花夜開風露香漸見燈明出遠

寺更待月黑看湖光

湖光非鬼亦非仙風恬浪靜光滿川須臾兩兩入寺
去就視不見空茫然

焦千之水惠山泉詩

茲山定空中乳水滿其腹遇隙則溢見臭味實一族

淺深各有值方圓隨所畜或為雲或為雨或作綫斷續
或鳴空洞中雜佩間琴筑或流蒼石縫宛轉龍鸞慶
餅饗走四海一默真偽半相瀆貴人高宴罷醉眼亂
紅綠赤泥開方印紫餅截回土傾甌共歎賞竊語笑
僮僕豈知泉上僧盥灑自把掃故人憐我病弱龍聲
寄新韻欠伸北窓下晝睡羨方熟精品厭凡泉願子
致一斛

孫莘老求墨妙亭詩

蘭亭蠶紙入昭陵世間遺迹猶龍騰顏公變法出新
意細筋入骨如秋鷹徐家父子亦秀絕字外出力中

藏稜嶧山傳刻典刑在千載筆法留陽冰杜陵評書
貴瘦硬此論未公吾不憑短長肥瘠各有態玉環飛
燕誰敢憎吳興太守真好古購買斷缺揮縑繒龜趺
入坐螭隱跡空齋晝靜聞登登竒蹤散出走吳越勝
事傳說誇友朋書來乞詩要自寫為把栗尾書谿藤
後來視今猶視昔過眼百世如風塵他年劉郎憶賀
監還道同時須伏膺

李公擇求黃鶴樓詩因記荅白所聞於馮當世
者

黃鶴樓前月滿川抱關老卒饑不眠夜聞三人笑語

言羽衣著屐響空山非鬼非人意甘仙石扉三扣聲
清圓洞中鏗鉉落門關縹緲入石如飛煙雞鳴月落
風馭還迎拜稽首願執鞭汝非其人肯腥膻黃金乞
得重莫肩持歸包裹弊席擅夜穿芝屋光射天里閭
來觀已變遷似石非石鉛非鉛或取而有衆忿喧訟
歸有司今幾年無功暴得喜欲顛神人戲汝真可憐
願君為考然不然此語可信馮公傳

監試呈諸試官

我本山中人寒苦盜寸廩文詞雖少作勉強非天稟
既得旋廢忘懶惰今十稔麻衣如再著墨水真可飲

每聞科詔下白汗如流潘此邦東南會多士敢題品
芻蕘盡蘭蓀香不數葵荏貧家見珠貝眩晃自難審
緬懷嘉祐初文格變已甚千金碎全璧百納收寸錦
調和樹桂臘咀嚼沙礫礮廣眉成半額學步歸蹕蹊
維時老宗伯氣壓群兒凜蛟龍不世出魚鮪初驚冷
至音久乃信知味猶食堪至今天下士微管幾左衽謂
當千載後石室祠高朕尔來又一變此學初誰論權
衡破舊法芻豢笑凡餽高言追衛樂篆刻鄙曹沈先
生周孔出弟子淵騫寢却顧老鈍軀頑朴謝鑄鋟諸
君況才傑容我懶且噤聊欲廢書眠秋濤誼午枕

八月十日夜看月有懷子由并崔度賢良

宛丘先生自不飽更笑老崔窮百巧一更相過三更
歸古柏陰中看參昴去年舉君首宿盤夜傾闔酒赤
如丹今年還看去年月霜冷遙知范滂寒典衣自種
一頃豆那知積雪生科斗歸來四壁草虫鳴不如王
江長飲酒王江陳州道人

催試官考較戲作

八月十五夜月色隨處好不擇茅簷與市樓况我官
居似蓬島鳳唳堂前野橘香劒潭橋畔秋荷老八月
十八潮壯觀天下無鯤鵬水擊三千里組練長驅十

萬夫紅旗青蓋互明滅黑沙白浪相吞屠人生會合
古難必此景此行那兩得顧君聞此添蠟燭門外白
袍如立鵠

秋懷二首

苦熱念西風常恐來無時及茲遂淒凜又作徂年悲
蟋蟀鳴我床黃葉投我帷窓前有棲鵬夜嘯如狐狸
露冷梧葉脫孤眠無安枝熠燿亦求偶高屋飛相追
定知無幾見迫此清霜期物化逝不留我興為嗟咨
便當勤秉燭為樂戒暮遲

海風東南來吹盡三日雨空塔有餘滴似與幽人語

念我平生歡寂寞守環堵壺漿慰作勞裹飯救寒苦
今年秋應熟過此飽雞黍嗟我獨何求萬里涉江浦
居貧豈無食自不安畎畝念此坐達晨殘燈翳復吐
梵天寺見僧守詮小詩清婉可愛次韻
似聞煙外鍾不見煙中寺幽人行未已草露濕芒屨
惟應山頭月夜夜照來去

次韻孔文仲推官見贈

我本麋鹿性諒非伏轅姿君如汗血馬作駒已權竒
齊驅大道中並帶鑿鑣馳聞聲自決驟那復受繫維
謂君朝發燕秣楚日未歎云何中道止連蹇驢驟隨

金鞍冒翠錦玉勒垂青絲旁觀信羨矣自揣良厭之
均為人所勞何必陋鹽輜君看立仗馬不敢鳴且窺
調習困鞭筆僅存骨與皮人生各有志此論我又持
他人聞定笑聊與吾子期空齋卧積雨病骨煩撐支
秋草上垣墻霜葉鳴堦墀門前自無客敢作揚雄麾
候吏報君來弭節江之湄一對高人談稍忘俗吏卑
今朝枉詩句粲如鳳來儀上山絕梯磴墮海迷津涯
憐我枯槁質借潤生華滋肯效世俗人洗刮求癩瘕
賢明日登用清廟歌緝熙胡不學長卿預作封禪詞
湯村開運鹽河中督後

居官不任事蕭散羨長卿胡不歸去來滯留愧淵明
鹽事星火急誰能卹農耕薨薨曉鼓動萬指羅溝坑
天雨助官政泫然淋衣纓人如鴨與猪投泥相濺驚
下馬荒堤上四顧但湖泓線路不容足又與牛羊爭
歸田雖賤辱豈識泥中行寄語故山友慎毋厭藜藿
客位假寐

謁入不得去元坐如枯株豈惟主忘客今我亦忘吾
同僚不解事愠色見髯鬚雖無性命憂且復忍須臾
鹽官部役戲呈同事兼寄述古

新月照水水欲冰夜霜穿屋衣生稜野廬半與牛羊

共曉鼓却隨鴉鵲興夜來履破裘穿縫紅頰曲眉應
入夢千夫在野口如麻豈不懷歸畏嘲弄我州賢將
知人勞已釀白酒買豚羔耐寒努力歸不遠兩脚凍
硬公須軟

朱壽昌郎中少不知母所在刺血寫經求之
五十年去歲得之蜀中以詩賀之

嗟君七歲知念母憐君壯大心愈苦羨君臨老得相
逢喜極無言淚如雨不羨白衣作三公不愛白日升
青天愛君五十著綵服兒啼却得償當年真龍為炙
玉為酒鶴髮初生千萬壽金花詔書錦作囊白藤肩輿

簾蹙繡感君離合我酸辛此事今無古或聞長陵竭
來見大姊仲孺豈意逢將軍開皇苦桃空記面建中
天子終不見西河郡守誰復譏穎谷封人羞自薦

將之湖州戲贈莘老

餘杭自是山水窟側聞吳興更清絕湖中橋林新著
霜溪上茗花正浮雪顧渚茶芽白於齒梅溪木瓜紅
勝頰吳兒膾縷薄欲飛未去先說饒涎垂亦知謝公
到郡久應恠杜牧尋春遲鬢絲只好對禪榻湖亭不
用張旌旗

吳中田婦歎 和賈收韻

今年粳稻熟苦遲庶見霜風來幾時霜風來時雨如
瀉杷頭出茵鎌生衣眼枯淚盡雨不盡忍見黃穗卧
青泥茅苦一月壟上宿天晴獲稻隨車歸汗流肩頰
載入市價賤乞與如糠粃賣牛納稅拆屋炊慮淺不
及明年饑官今要錢不要米西北萬里招羗兒饑黃
滿朝人更苦不如却作河伯婦

遊道場山何山

道場山頂何山麓上徹雲峰下幽谷我從山水窟中
來尚愛此山看不足陂湖行盡白漫漫青山忽作龍
蛇盤山高無風松自響誤認石齒號驚湍山僧不放

次韻荅章傳道見贈

並生天地宇同闕古今宙視下則有高無前孰為後
達人千鈞弩一弛難再發下士沐猴冠已繫猶跳驟
欲將駒過隙坐待石穿溜君看漢唐主宮殿悲麥秀
而况彼區區何異一醉富鷄鷓非所養俯仰眩金奏
髑髏有餘樂不博南面后嗟我昔少年守道貧非疚
自從出來仕役物恐見囿馬融既依梁班固亦事實
效嘖豈不欲頑質謝鑄鏤仄聞長者言婢直非養壽
唾面慎勿拭出胯當俛就居然成懶廢敢復齒豪右
子如照海珠網目踈見漏宏林乏近用巧舞困短袖

坐令傾國容臨老見邂逅吾衰信久矣書絕十年舊
門前可羅雀感子煩屢扣願言歌緇衣子粲還予授

法惠寺橫翠閣

朝見吳山橫暮見吳山從吳山故多態轉側為君容
幽人起朱閣空洞更無物惟有千步岡東西作簾額
春來故國歸無期人言悲秋春更悲已泛平湖思濯
錦更看橫翠憶峨眉雕欄能得幾時好不獨憑欄人
易老百年興廢更堪哀懸知草莽化池臺遊人尋我
舊遊處但覓吳山橫處來

往富陽新城李節推先行三日留風水洞見

山泉出屋底清池照瑤席堦前合抱香入雲月裏仙人親手植出山回望翠雲鬟碧瓦朱欄縹緲間白水田頭問行路小溪深處是何山高人讀書夜達旦至今山鶴鳴夜半我今廢學不歸山山中對酒空三歎

至秀州贈錢端公安道兼寄其弟惠山山人

鴛鴦湖邊月如水孤舟夜榜鴛鴦起平明繫纜石橋亭慚愧冒寒髯御史結交最晚情獨厚論心無數今有幾窳窳抱關歎蕭生耆老執戟哀揚子恠君顏采却秀發無乃遷謫反便美天公欲困無柰何世人共抑真踈矣毗陵高山錫為骨陸子遺味泉冰齒賢哉

仲氏早拂衣占斷此山長洗耳山頭望湖光潑眼山下濯足波生指儻容逸少問金堂記與嵇康留石髓

正月九日有羨堂飲醉歸徑睡五鼓方醒不復能眠起閱文書得鮮于子駿所寄古意作雜興一首答之

眾人事紛擾志士獨悄悄何異琵琶絃常遭腰鼓闌三盃忘萬慮醒後還皎皎有如轉轆索已脫重縈繞家人自約敕始慕陳婦孝可憐原巨先放蕩今誰弔平生嗜羊炙識味肯輕飽烹蛇啖蛙蛤頗訝能稍稍憂來自不寐起視天漢渺闌干玉繩低耿耿太白曉

次韻荅章傳道見贈

並生天地宇同閱古今宙視下則有高無前孰為後
達人千鈞弩一弛難再發下士沐猴冠已繫猶跳驟
欲將駒過隙坐待石穿溜君看漢唐主宮殿悲麥秀
而况彼區區何異一醉富鷄鷓非所養俯仰眩金奏
髑髏有餘樂不博南面后嗟我昔少年守道貧非疚
自從出來仕役物恐見困馬融既依梁班固亦事實
效嘖豈不欲頑質謝鑄鏤仄聞長者言婢直非養壽
唾面慎勿拭出胯當俛就居然成懶廢敢復齒豪右
子如照海珠網目踈見漏宏林乏近用巧舞困短袖

坐令傾國容臨老見邂逅吾衰信久矣書絕十年舊
門前可羅雀感子煩屢扣願言歌緇衣子粲還予授

法惠寺橫翠閣

朝見吳山橫暮見吳山從吳山故多態轉側為君容
幽人起朱閣空洞更無物惟有千步岡東西作簾額
春來故國歸無期人言悲秋春更悲已泛平湖思濯
錦更看橫翠憶峨眉雕欄能得幾時好不獨憑欄人
易老百年興廢更堪哀懸知草莽化池臺遊人尋我
舊遊處但覓吳山橫處來

往富陽新城李節推先行三日留風水洞見

待

春山磔磔鳴春禽此間不可無我吟路長漫漫傍江
浦此間不可無君語金鯽池邊不見君追君直過定
山村路人皆言君未遠騎馬少年清且婉風巖水穴
舊聞名只隔山溪夜不行溪橋曉溜浮梅萼知君繫
馬巖花落出城三日尚逶遲妻孥恠罵歸何時世上
小兒誇疾走如君相待今安有

自普照遊二庵

長松吟風晚雨細東庵半掩西庵閉山行盡日不逢
人裊裊野梅香入袂居僧笑我戀清景自厭山深出
無計我雖愛山亦自笑獨往神傷後難繼不如西湖
飲美酒紅杏碧桃香覆髻作詩寄謝採薇翁本不避
人那避世

湖上夜歸

我飲不盡器半酣味尤長籃輿湖上歸春風吹面涼
行到孤山西夜色已蒼蒼清吟雜夢寐得句旋已忘
尚記梨花村依依聞暗香入城定何時賓客半在亡
睡眠忽驚矍繁燈鬧河塘市人拍手笑狀如失林麀
始悟山野姿異趣難自強人生安為樂吾策殊未良
於潛令刁同年野翁亭

山翁不出山溪翁長在溪前二翁亭作不如野翁來往

溪山間上友麋鹿下鳥鷺問翁何所樂三年不去煩

推擠翁言此間亦有樂非絲非竹非蛾眉山醉後

鐵冠落溪女笑時銀櫛低我來觀政問風謠皆云吠

犬足生菴但恐此翁一旦舍此去長使山人索寞溪

女啼天目山唐道士常冠鐵冠於潛婦女皆挿大銀櫛長尺許謂之蓬沓

於潛女

青裙縞袂於潛女兩足如霜不穿履簪沙鬢髮絲穿

杼蓬沓障前走風雨老渾官粧傳父祖至今遺民悲

故主茗溪楊柳初飛絮照溪畫眉渡溪去逢郎樵歸

相媚嫵不信姬姜有齊魯

僧清順新作垂雲亭

江山雖有餘亭榭著難穩登臨不得要萬象各假蹇

惜哉垂雲軒此地得何晚天功爭向背詩眼巧增損

路窮朱欄出山破石壁狠海門浸坤軸湖尾抱雲巘

葱葱城郭麗淡淡煙村遠紛紛烏鵲去一一漁樵返

雄觀快新獲微景收昔遁道人真古人嘯咏慕嵇阮

空齋卧蒲褐芒屨每自捆天憐詩人窮乞與供詩本

我詩久不作荒蒞旋鋤墾從君覓佳句咀嚼慶朝飯
五月十日與呂仲甫周郊僧惠勤惠思清順

可久惟肅義詮同泛西湖游北山

三吳雨連月湖水日夜添尋僧去無路湫湫水拍簷
駕言徂北山得與幽人兼清風洗昏翳晚景分穠纖
縹緲朱樓人斜陽半踈簾臨風一揮手悵焉起遐瞻
世人驚朝市獨向溪山廉此樂得有命輕傳神所殲

韓子華石淙莊

絳侯百萬兵尚畏書牘背功名意不已數與危機會
我公抱絕識凜凜鎮橫濱欲收伊呂迹遠與巢由對
誓言雖未從久已斷諸內區區為懷祖頗覺羲之隘
此身隨造物一葉舞澎湃田園不早定歸宿終安在

彼美石淙莊每到百事廢流泉知人意
磨折作濤瀨寒光洗肝鬲清響跨竽籟我昔門前客
歎言不自外園中亦何有蒼蔚可勝計請公試回首
歲晚餘蒼檜

虎跑泉

亭亭石塔東峰上此老初來百神仰
虎移泉眼趁行脚龍作浪花供撫掌
至今遊人灑濯罷卧聽空塔環玦響
故知此老如此泉莫作人間去來想

與周長官李秀才遊徑山二君先以詩見寄

次其韻二首

少年飲紅裙酒盡推不去
嗔來徑山下試與洗塵霧

癡馬惜郵泥臨流不肯渡獨有汝南君從我無朝暮
肯將紅塵脚暫着白雲履嗟我與世人何異笑百步
功名一破甌棄置何用顧更憑陶靖節往問征夫路
龍亦戀故居百年尚來去至今雨雹夜殿間風纏霧
而我棄鄉國大江忘共渡便欲此山前築室安遲暮
又恐太幽獨歲晚霜入屨同遊得李生仄足隨蹇步
孔明不自愛臨老起三顧吾歸便却掃誰踏門前路

遊東西巖

即謝安東山也

謝公含雅量世運屬艱難况復情所鍾感槩萃中年
正賴絲與竹陶寫有餘歡常恐兒輩覺坐令高趣闌

獨携縹緲人來上東西山放懷事物外徙倚弄雲泉
一旦功業成管蔡復流言慷慨桓野王哀歌和清彈
挽鬚起流涕始知使君賢意長日月促卧病已辛酸
慟哭西州門往駕那復還空餘行樂處古木昏蒼煙

宿海會寺

籃輿三日山中行山中信義少曠平下投黃泉上青
冥綫路每與猿狖爭重樓束縛遭澗坑兩股酸辛饑
腸鳴北渡飛橋踏彭鏗繚垣百步如古城大鍾橫撞
千指迎高堂延客夜不扃杉槽沫斛江河傾本來無
垢洗更輕倒床鼻息四鄰驚紈如五鼓天未明木魚



原件短缺

呼粥亮且清不聞人聲聞履聲

徑山道中次韻荅周長官兼贈蘇寺丞

年來戰紛華漸覺夫子勝欲求五畝宅灑掃樂清淨
學道恨日淺問禪慙聽瑩聊為山水行遂此麋鹿性
獨遊吾未果覓伴誰復聽吾宗古遺直窮達付前定
舖糟醉方熟洒面呼不醒柰何效鷲蝠屢欲爭晨暝
不如從我遊高論發犀柄溪南渡橫木山寺稱小徑
懃平懃徑幽尋自茲始歸路微月映南望功臣山雲
外盤飛磴三更渡錦水再宿留石鏡緬懷周與李能
作洛生詠明朝二子至詩律嚴號令籃輿置紙筆得

Blank page with horizontal lines and a large watermark.

Blank page with horizontal lines and a large watermark.

湖上野芙蓉含思愁脉脉娟然如靜女不肖傍阡陌
詩人香未來霜艷冷難宅君行逐鷗鷺出處浩莫測
葦間聞擘音雲表已飛屐使我終日尋逢花不忍摘
人生如朝露要作百年客喟彼終歲勞幸茲一日澤
願言竟不遂人事多乖隔悟此知有命沉憂傷魂魄

送杭州杜戚陳三掾罷官歸鄉

秋風撼撼鳴枯蓼船閣荒村夜悄悄正當逐客斷腸
時君獨歌呼醉連曉老夫平生齊得喪尚戀微官失
輕矯君今憔悴歸無食五斗未可秋毫小君言失意
能幾時月啖蝦蟇行復皎殺人無驗中不快此恨終

身恐難了徇時所得無幾何隨手已遭憂患繞期君
正似種粟麥忍饑待食明年麩

和錢安道寄惠建茶

我官于南今幾時嘗盡溪茶與山茗宵中似記故人
面口不能言心自省為君細說我未暇試評其略差
可聽建溪所產雖不同一天與君子性森然可愛
不可慢骨清肉膩和且正雪花雨脚何足道啜過始
知真味永縱復苦硬終可錄汲黯少意寬饒猛草茶
無賴空有名高者妖邪次頑曠體輕雖復強浮泛性
滯偏工嘔酸冷其間絕品豈不佳張禹縱賢非骨硬

葵花玉鞞不易致道路憂嶮隔雲嶺誰知使者去
西開緘磊落收百餅嗅香嚼味本非別透紙自覺光
炯炯糝糠團鳳友小龍奴隸日注臣雙井收藏愛惜
待佳客不敢包裹鑽權偉此詩有味君勿傳空使時
人怒生瘦

和柳子玉喜雪次韻仍呈述古

詩翁愛酒長如渴餅盡欲沽囊已竭燈青火冷不成
眠一夜撚鬚吟喜雪詩成就我負歡憂我窮正與君
髣髴曷不走投陳孟公有酒醉君仍飽德瓊瑤欲盡
天應惜更遣清光續殘月安得佳人擢素手笑捧玉

益兩奇絕艷歌一曲迴陽春坐使高堂生暖熱

古纏頭曲

鷓鴣絃鐵撥世無有樂府舊工惟尚叟一生喙硬眼無人坐此困窮今白首翠鬢女子年十七指法已似呼韓婦輕帆渡海風掣迴滿面塵沙和淚垢青衫不逢湓浦客紅袖謾插曹綱手尔来一見衰駘它便着臂鞬躬并曰我慙貧病百不足強對黃花飲白酒轉關漢索動有神雷輟空堂戰慄牖四絃一抹擁袂立再拜十分為我壽世人只解錦纏頭與汝作詩傳不朽

虎丘寺

入門無平田石路穿細嶺陰風生澗壑古木翳潭井湛盧誰復見秋水光耿耿鐵花秀巖壁殺氣噤蛙龜幽幽生公堂左右立頑礦當年或未信異類服精猛胡為百歲後仙鬼互馳騁窈然留清詩讀者為悲哽東軒有佳致雲水麗千頃熙熙覽生物春意破淒冷我來屬無事暖日相與永喜鷓鴣初旦愁為躡落景坐見漁樵還新月溪上瞑悟彼良自怡歸田行可請去年秋偶遊寶山上方入一小院闐然無人其鄰之僧曰此雲閣梨也不出十五年矣今

年六月自常潤還復至其室則死葬數月矣
作詩題其壁

雲師來寶山一住十五秋讀書常閉戶客至不舉頭
去年造其室清坐忘百憂我初無言說師亦無對酬
今來復扣門空房但颼颼云已滅無餘薪盡火不留
却疑此室中尚有斯人不所遇孰非夢事過吾何求

僧惠勤初罷僧職

軒軒青田鶴鬱鬱在樊籠既為物所縻遂與吾輩同
今來始謝去萬事一笑空新詩如洗出不受外垢蒙
清風入齒牙出語如風松霜髭茁茁病骨饑坐聽午鐘

非詩能窮人窮者詩乃工此語信不妄吾聞諸醉翁

遊靈隱高峰塔

言遊高峰塔葶食治野柴火雲秋未衰及此初旦涼
霧霏巖谷暗日出草木香嘉我同來人久便雲水鄉
相勸小舉足前路高且長古松攀龍蛇恠石坐牛羊
漸聞鐘磬音飛鳥皆下翔入門亦無有三字一作雲
海浩茫茫惟見聾道人老病時絕糧問年笑不答但
指穴藜床心知不復來欲歸更彷徨贈別留匹布今
歲天早霜

蘇文忠公集卷第四

蘇文忠公集卷第五

古詩五十一首

聽賢師琴

大絃春溫和且平小絃廉折亮以清平生未識宮與角但聞牛鳴盎中雉登木門前剝啄誰扣門山僧未閑君勿曠歸家且一見千斛水淨洗徒來箏笛耳

甘露寺彈琴

多景樓上彈神曲欲斷哀絃再三促江妃出聽霧雨愁白浪翻空動浮玉銍山喚取吾家雙鳳槽遣作三峽孤猿號與君合奏八芳春調啄木飛來霜樹杪



虎兒

舊聞老蚌生明珠未省老兔生於菟
老兔自謂月中物不騎快馬騎蟾蜍
蟾蜍爬沙不肯行坐令青衫垂白鬚
於菟駿猛不類渠指揮黃熊駕黑貍
丹砂紫麝不用塗眼光百步走妖狐
妖狐莫誇智有餘不勞搖牙咀尔徒

除夜病中贈段屯田

龍鍾三十九勞生已強半歲莫日斜
時還為昔人歎樂天詩云行年三十九歲莫日斜
今年一線在那復堪把玩欲起強
持酒故交雲雨散惟有病相尋空齋
為老伴蕭條登

火冷寒夜何時旦樓樓觸屏風飢罷
吳空素數朝閣卧霜髮秋蓬亂中
聞使者來策杖就梳盥書來苦
安慰不恠造請緩上丈夫忠烈後高義
坐口曾要當擊權豪未肯覲衰懦
一生何所似閻盡久中炭端田計
已决此邦聊假館二徑粗成負一技
有餘緩頰君留信宿庶奉一笑樂

喬太博見和復次韻寄之

百年三萬日光病常居半真間是憂
樂歎笑雜悲歎顛倒不自知直為
神所玩須臾便堪笑為事南散
自從識此理久謝少年伴遊遊無
何豈暇讀城旦

非才更多病一事可云矣愧煩賢使者強節整紛亂
喬侯瑚璉質清高嘗薦鹽齏糞百吏走坐變齊俗緩
未遭甘鵠退並進賦魚書每以議論餘凜凜激貧儒
莫邪當自躍豈自須爐炭以便應朝秣越未暮刷燕館
胡為守故丘眷念心素愉嘆為君扣牛角一咏南山祭
二人再行首再各之

寒雞知特晨飢渴知之半亦如老病客過即常感歎
光陰等敲石過眼不容玩親友如搏沙放手還復散
羈孤身自笑窮莫誰肯伴元達號神君暗喻元達
高論森月旦紀明本賢將相懶家汨沒事堪系欣然

肯相顧夜閣燈火亂盤空愧不飽酒薄僅堪盟雍容
許着帽不恠安石緩雖無窈窕人清唱弄珠貫幸有
縱橫舌說劍起慵慵二豪沉下位暗火埋濕炭豈似
草玄人默默老儒館行看富貴逼炙手借餘煖應念
苦思歸登樓賦王粲

鐵溝行贈喬太博

城東坡壠何所似風吹海濤低復起城中病守無所
為走馬來尋鐵溝水鐵溝水淺不容輶恰似當年韓
與侯有魚無魚何足道駕言聊復寫我憂荒一作村
野店亦何有欲發狂言須斗酒山頭落日側金盆倒

着接羅搔白首忽憶從軍年少時
輕裘細馬百不知
臂弓腰箭南山下
追逐長楊射獵兒
老去同君兩憔悴
犯夜醉歸人不避
今年定起故將軍
未肯先誅灞陵尉

送段屯田分得予字

勸農使者古大夫
不惜春衫踐泥塗
王事靡盬君甚劬
奉常客卿虬兩鬚
東武縣今天馬駒
泮宮先生非俗儒
相與野飲四子俱
樂哉此樂城中無
溪邊策杖自携壺
腰笏不煩何易于
膠西病守老且迂
空齋愁坐紛墨朱
四十豈不知頭顱
畏人不出何其愚

和段屯田荆林館

南山有佳色無人空自竒
清詩為題品草木變芬菲
謝女得秀句留待中郎歸
便當勤鞭策僕勸馬亦飢
姪有姪

春菜

蔓菁宿根已生葉
薤牙戴土拳如蔽
爛蒸香薺白魚肥
碎點青蒿涼餅滑
宿酒初銷春睡起
細履幽畦撥芳藜
茵陳甘菊不負渠
膾縷堆盤纖手抹
北方苦寒今未已
雪底菠薐如鐵甲
豈如吾蜀富冬蔬
霜葉露牙寒更茁
久拋松菊猶細事
苦笋江豚那忍說
明年

投効徑須歸莫待齒搖并髮脫

次韻章傳道喜雨磻磻山

去年夏旱秋不雨海畔居民飲鹹苦今年春暖欲生
蟻地上戢戢多於土預憂一旦開兩翅口吻如風那
肯吐前時渡江入吳越布陣橫空如項羽去歲錢塘
見飛蝗自
極西北來農夫拱手但垂泣人力區區固難禦撲緣髮
尾困牛馬啖齧衣服穿房戶坐觀不救亦何心秉畀
炎火傳自古荷鋤散掘誰敢後得米濟飢還小補常
山山神信英烈為駕雷公訶電母應憐郡守老且愚
欲把瘡痕手摩撫山中歸時風色變中路已覺商羊

舞夜物騷騷鬧松竹朝畦滋滋流膏乳從來蝗旱必
相資此事吾聞老農語庶將積潤掃遺孽收拾豐歲
還明主縣前已窖八千斛公春及夏得蝗
八千餘斛率以一升
完一畝更看蚕婦過初眠不蚕復生矣未用賀客來
旁午先生筆力吾所畏感吐鮑謝跨徐庾偶然談笑
得佳篇便恐流傳成樂府德邦一雨何足道吾君盛
德九州普中和樂職幾時作試向諸生選何武

贈潘谷

潘郎曉踏河陽春明珠白璧驚市人那知望拜馬蹄
下曾中一斛泥與塵何似墨潘穿破褐琅琅翠餅敲

玄笏布衫漆墨手如龜未害冰壺貯秋月世人重耳
輕目前區區張李爭媼妍一朝入海尋李白空見作
看人間畫墨仙

惜花

吉祥寺中錦千堆
巖巖花前年賞花真盛哉
道人勸我清明來腰鼓百面如春雷
打徹涼州花自開沙河塘上戴花迴
醉倒不覺吳兒咍豈知如今雙鬢摧城
西古寺沒蒿萊有僧閉門手自栽
千枝萬葉巧翦裁就中一叢何所似
玊盤盛金縷杯而我食菜方清齋
對花不飲花應猜夜來雨電如李梅紅殘綠暗吁

可哀

和頓教授見寄

用除夜韻

我笑陶淵明種秫二頃半婦言既不用還有責子歎
無絃則無琴何必勞撫玩我笑劉伯倫醉髮蓬萊散
二豪苦不納獨以錡自伴既死何用埋此身同夜旦
孰云二子賢自結兩重案笑人還自笑出口談治亂
一生溷塵垢晚以道自盥無成空得懶坐此百事緩
仄聞頓夫子講道出新貫豈無一尺書恐不記庸儒
陋邦貧且病數米銖秤炭慙愧章先生十日坐空館
袖中出子詩貪讀酒屢煖狂言各須慎勿使輸薪粢

西齋

西齋深且明中有六尺牀病夫朝睡足危坐覺日長
昏昏既非醉踽踽亦非狂褰衣竹風下穆然濯微涼
起行西園中草木含幽香榴花開一枝桑棗沃以光
鳴鳩得美蔭困立忘飛翔黃鳥亦自喜新音變圓吭
杖藜觀物化亦以觀我生萬物各得時我生日皇皇
小兒
小兒不識愁起坐牽我衣我欲瞋小兒老妻勸兒癡
兒癡君更甚不樂愁何為還坐愧此言洗盞當我前
大勝劉伶婦區區為酒錢

寄劉孝叔

君王有意誅驕虜椎破銅山鑄銅虎聯翩三十七將
軍走馬西來各開一府南山伐木作車軸東海取鼉漫
戰鼓汗流奔走誰敢後恐乏軍興汗質斧保甲連村
圍未遍方田訟牒紛如雨爾來手實降新書抉剔根
株窮脉縷詔書惻怛信忠厚更能淺薄空勞苦平生
學問止流俗衆裏笙竽誰比數忽令獨奏鳳將雛倉
卒欲吹邠得譜况復連年苦飢饉剝齧草木啖泥土
今年雨雪頗應時又報蝗虫生翅股憂來洗盞欲強
醉寂寞虛齋卧空甌公厨十日不生煙更望紅裙踏

筵舞故人屢寄山中信只有當歸無別語方將雀鼠
偷太倉未肯衣冠掛神武吳興丈人真得道平日立
朝非小補自從四方冠蓋鬧歸作二浙湖山主高蹤
已自雜漁釣大隱何曾棄簪組去年相從殊未足問
道已許談其粗遊將棄官往卒業俗緣未盡那得覩
公家只在雲溪上上有白雲如白羽應憐進退苦皇
皇更把安心教初祖

張安道樂全堂

列子馭風殊不惡猶被莊生譏數步兵飲酒中散
琴於此得全非至樂樂全居士全於天維摩丈室空

脩然平生痛飲今不飲無琴不獨琴無絃我公天與
英雄表龍章鳳姿照魚鳥但令端委坐廟堂北狄西
戎談笑了如今老去苦思歸小字親書寄我詩試問
樂全全底事無全一何處更求虧

懷西湖寄晁美叔同年

西湖天下景遊者無愚賢深淺隨所得誰能識其全
嗟我本狂直早為世所捐獨專山水樂付與寧非天
三百六十寺幽尋遂窮年所至得其妙心知口難傳
至今清夜夢耳目餘芳鮮君持使者節風采爍雲煙
清流與碧巘安肯為君妍胡不屏騎從暫借僧榻眠

讀我壁間詩清涼洗煩煎策杖無道路直造意所便
應逢古漁父葦間自寅緣問道若有得買魚莫論錢

和蔣夔寄茶

我生百事常隨緣四方水陸無不便扁舟渡江適吳
越三年飲食窮芳鮮金齏玉膾飯炊雪海螯江柱初
脫泉臨風飽食甘寢罷一甌花乳浮輕圓自從捨舟
入東武沃野便到桑麻川翦毛胡羊大如馬誰記鹿
角腥盤筵厨中烝粟埋飯甕大杓更取酸生涎拓羅
銅碾棄不用脂麻白土須盆研故人猶作舊眼看謂
我好尚如當年沙溪北苑強分別水脚一線爭誰先

清詩兩幅寄千里紫金百餅費萬錢吟哦享噍兩奇
絕只恐偷乞煩封纏老妻稚子不知愛一半已入薑
鹽煎人生所遇無不可南北嗜好知誰賢生死禍福
久不擇更論甘苦爭虫妍知君窮旅不自釋因詩寄
謝聊相鏤

荅李邦直

美人如春風著物物未知羈愁似冰雪見子先流澌
子從徐方來吏民舉熙熙扶病出見之驚我一何衰
知我久慵倦起我以新詩詩詞如醇酒盎然薰四支
徑飲不覺醉欲和先昏疲西齋有蠻帳風雨夜紛披

放懷語不擇撫掌笑脫頤別來今幾何春物已含姿
柳色日夜暗子來竟何時徐方雖云樂東山禁遊嬉
又無狂太守何以解憂思聞子有賢婦華堂詠螽斯
胡不倒囊橐賣劍買蛾眉不用教絲竹唱我新歌詞

次韻潞公超然臺

我公厭富貴常苦勲業尋相期赤松子永望白雲岑
清風出談笑万竅為號吟吟成超然詩洗我蓬之心
嗟我本何人麋鹿強冠襟身微空志大交淺屢言深
囑公如得謝呼我幸寄音但恐酒錢盡煩公揮橐金

和趙郎中捕蝗見寄次韻

麥穉人許長穀苗牛可沒天公獨何意忍使蝗虫發
驅攘著令與農事安可忽我僕既胼胝我馬亦款斫
飛騰漸云少筋力亦已竭苟無百篇詩何以醒睡兀
初如䟽畎澮漸若決澣渤往來供十吏脫脫不容歇
平生輕妄庸熟視笑魏勃愛君有逆氣詩壇專斬伐
民病何時休吏職不可越慎無及世事向空書咄咄

登常山絕頂廣麗亭

西望穆陵關東望琅邪臺南望九仙山北望空飛埃
相將叫虞舜遂欲歸蓬萊嗟我二三子狂飲亦荒哉
紅裙欲仙去長笛有餘哀清歌入雲霄妙舞纖腰回

自從有此山白石封蒼苔何嘗有此樂將去復徘徊
人生如朝露白髮日夜催棄置當何言万劫終飛灰

趙郎中見和戲復答之

趙子吟詩如潑水一揮三百八一作十字奈何效我
欲尋醫恰似西施藏白地趙子飲酒如淋灰一年十
万八千盃若不令君早入務飲竭東海生黃埃我衰
臨政多繆錯羨君精彩如秋鷄頗哀老子今日飲為
君坐嘯主畫諾

送碧香酒與趙明叔教授

聞君有婦賢且廉勸君慎勿為楚相不羨紫駝分御

食自遣赤脚沽村釀嗟君老狂不知愧更吟醜婦惡
嘲謗諸生聞語定大笑冬暖號寒卧無帳碧香近出
帝子家鵝兒破殼酥流盞不學劉伶獨自飲一壺佳
助齋眉餉

趙既見和復次韻答之

長安小吏天所放日夜歌呼和丞相豈知後世有阿
瞞曹公後言北海樽前提私釀先生未出禁酒國詩
語孤高常近謗幾回無酒欲沽君却畏有司書簿帳
近制公使酒酸寒可笑分一斗日飲如何足素盞更
將險語壓衰翁只恐自是臺無餉

和孔郎中荆林馬上見寄

秋禾不滿眼宿麥種亦稀永愧此邦人芒刺在膚肌
平生五千卷一字不救飢方將怨無襦忽復歌緇衣
堂堂孔北海直氣凜群兒朱輪未及郊清風已先馳
何以累君子十萬貧與羸滔滔滿四方我行竟安之
何時劍關路春山聞子規

留別雩泉

舉酒屬雩泉白髮日夜新何時泉中天復照泉上人
二年飲泉水魚鳥亦相親還將弄泉手遮日向西秦
留別釋迦院牡丹呈趙倅

春風小院却來時壁間惟見使君詩應問使君何處
去憑花說與春風知年年歲歲何窮已花似今年人
老矣去年雀護若重来前度劉郎在千里

除夜大雪留澠州元日早晴遂行中途雪復
作

除夜雪相留元日晴相送東風吹宿酒瘦馬兀殘夢
葱朧曉光開旋轉餘花弄下馬成野酌佳哉誰與共
湏臾晚雲合亂洒無缺空鵝毛垂馬駿自怪騎白鳳
三年東方早逃戶連歌棟老農釋耒歎流入飢腸痛
春雪雖云晚春麥猶可種敢怨行役勞動尔歆飯瓮

次韻景仁留別

公老我亦衰相見恨不數臨行一盃酒此意重山岳
歌詞白紵清琴弄黃鐘濁詩新渺難和餉少僅可學
欲參兵部選有力誰如榮且作東諸侯山城雄鼓角
南遊許過我不憚千里邈會當聞公來倒屣髮一握

送魯元翰少卿知衛州

冗士無處著寄身范公園桃花忽成陰薺麥秀已繁
閉門春晝永惟有黃蜂喧誰人肯携酒共醉榆柳村
髯卿獨何者一月三到門我不往拜之髯來意弥敦
堂堂元老後臺臺仁人言憶在錢塘歲情好如一作

弟昆時於冰雪中笑語作春溫欲飲徑相覓夜開叢
竹軒搜尋到篋筒鮮醢無復存每愧煙火中玉腕親
炮燔別來今幾何相對如夢魂告我當比渡新詩侑
清樽坡陀太行麓涵涌黃河翻仕宦非不遇王畿西
北垣斯民如魚耳見網則驚奔皎皎千文清不如尺
水渾刑政雖首務念當養其源一聞襦袴音盜賊安
足論

和李邦直沂山祈雨有應

高田生黃埃下田生蒼耳蒼耳亦已無更問麥有幾
蛟龍睡足亦解慙二麥枯時雨如洗不知雨從何處

來但聞呂梁百步聲如雷試上一作城南望城北際
天薪粟青成堆飢火燒腸作雷一作吼不知待得秋
成否半年不雨老龍慵共怨天公不怨龍今朝一雨
聊自贖龍神社鬼各言功無功日盜太倉穀一作嗟
我與龍同此責勸農使者不汝容因君作詩先自効
和子由與顏長道同遊百步洪相地築亭種

柳

平明坐衙不暖席歸來閉閣閉終日卧聞客至倒屣
迎兩眼蒙籠餘睡色城東泗水步可到路轉河洪翻
雪白安得青絲絡駿馬蹙踏飛波柳陰下奮身三丈

兩蹄間振鬣長鳴身自乾少年狂興久已謝但憶嘉
陵遠劍關劍關大道車方軌君自不去歸何難山中
故人應大笑築室種柳何時還

司馬君實獨樂園

青山在屋上流水在屋下中有五畝園花竹秀而野
花香襲杖履竹色侵盞斝樽酒樂餘春棋局消長夏
洛陽古多士風俗猶尔雅先生卧不出冠蓋傾洛社
雖云與衆樂中有獨樂者才全德不形所貴知我寘
先生獨何事四海望陶冶兒童誦君實走卒知司馬
持此欲安歸造物不我捨名聲逐吾輩此病天所赭

撫掌笑先生年來效瘖啞

送顏復兼寄王鞏

彭城官居冷如水誰從我遊顏氏子我衰且病君亦窮
衰窮相守正其理胡為一朝捨我去輕衫觸熱行千里
問君無乃求之歟君不然聊尔耳京師萬事日日新
故人如故今有幾君知牛行相君宅扣門但覓玉居士
清詩草聖俱入妙別後寄我書連紙苦恨相思不相見
約我重陽嗅霜藥君歸可喚與俱來未應指日妨進擬
太一老仙閑不出張安道為踵門問道今時矣因行過我路
幾何顏君推挽加鞭箠吾儕

一醉豈易得買羊酤酒從今始

蠍虎

黃鷄啄蠍如啄黍窓間守宮稱蠍虎閭中綴尾伺飛虫
巧捷功夫在腰膂跂跂脉脉善緣壁陋質從來誰比數
今年歲旱號蜥蜴狂走兒童鬧歌舞能銜渠水作冰雹
便向蛟龍覓雲雨守宮努力搏蒼蠅明年歲旱當求汝

過雲龍山人張天驥

郊原雨初足風日清且好病守亦欣然肩輿白門作
雲道荒田咽蛩蚓村巷懸梨棗下有幽人居閉門空

雀噪西風高正屬落葉紛可掃羸孤一作僮卧斜日病
馬放秋草墟里通有無垣墻任摧倒君家本冠蓋絲
竹闌鄰保脫身聲利中道德自濯澡躬耕抱羸疾奉
養百歲老詩書膏吻頰蔣水媚翁媪飢寒天隨子杞
菊自擷芼慈孝董邵南鷄狗相乳抱吾生如寄耳疇
計失不早故山豈敢忘但恐迫華皓後君學種秫斗
酒時相勞

趙郎中往苕縣逾月而歸復以一壺遺之仍
用元韻

東鄰主人遊不歸悲歎夜夜聞春相門前人聞馬嘶
急一家喜氣如春釀王事何曾怨獨賢室人豈忍交
謫謗大兒踉蹌越門限小兒咿啞語綉帳定教舞袖
掣伊涼更想夜庖鳴瓮盎題詩送酒君勿謂免使退
之嘲一餉

贈王仲素寺丞紹景

養氣如養兒棄官如棄泥人皆笑子拙事定竟難迷
婦耕獨患貧問子何所齋尺宅足自底寸田有餘畦
明珠照短褐陋室生虹霓雖無孔方兄顧有法喜妻
彈琴一長嘯不答阮與嵇曹南劉夫子名與子政齊
家有鴻寶書不鑄金裹蹄促膝問道要遂蒙分刀圭

不忍獨不死尺書肯見梯我生太本一作強鄙少以氣
自擠孤舟浮江河赤手攬象犀年來稍自笑留氣下
暖臍苦恨聞道晚意象颯已淒空見孫思邈區區賦
病黎

京師哭任遵聖

十年不還鄉兒女日夜長豈惟催老大漸復成凋喪
每聞耆舊亡涕泣聲轉放老任况竒逸先子推輩行
文章少得譽詩語尤清壯吏能復所長談笑萬夫上
自喜作劇縣偏工破豪黨奮髯走猾吏嚼齒對姦將
哀哉命不偶每以才得謗竟使落窮山青衫就黃壤

宦遊久不樂江海永相望退耕本就君時節相勞餉
此懷今不遂婦見纍纍塋望哭國西門落日銜千嶂
平生惟一子抱負珠在掌見之齟齬中已有食牛量
他年如入洛生死一相訪惟有王濬冲心知中散狀

荅任師中家漢公

先君昔未仕杜門皇祐初道德無貧賤風采照鄉閭
何嘗踈小人小人自闊踈出門無所詣老史在郊墟
門前萬竿竹堂上四庫書高樹紅消黎小池白芙蓉
常呼赤脚婢雨中擲園蔬矯矯任夫子罷官還舊廬
是時里中兒始識長者車烹雞酌白酒相對懽有餘

有如龐德公往還葛與徐妻子走堂下主人竟誰欵
我時年尚幼作賦慕相如侍立看君談精悍實起予
歲月曾幾何耆老逝不居史侯最先沒孤墳拱桑楸
我亦涉萬里清血滿襟袪漂流二十年始悟萬緣虛
獨喜任夫子老佩刺史魚威行烏白蠻解辦請冠裾
方當入奏事清廟陳璠璠胡為厭軒冕歸意不少紓
上蔡有良田黃沙走清渠罷亞百頃稻雍容十年儲
閑隨李丞相搏射鹿與猪蒼鷹十斤重猛犬如黃驢
豈比陶淵明窮苦自把鋤我今四十二衰髮不滿梳
彭城古名郡乏人偶見除頭顱已可知幾何不樵漁

會當相從去芒鞋老菑畝念子瘴江邊懷抱向誰攄
賴我同年友相懽出同輿冰盤薦文鮪鮪魚也戎王
學傾浮蛆醉中忽思我清詩綴瓊琚知我少所諧教
我時卷舒世事日反覆翩如風中旗崔羅弔廷尉秋
扇悲婕妤升沉一何速喜怒紛衆狙作詩謝二子我
師寧與遠

初別子由

我少知子由天資和而清好學老益堅表裏漸融明
豈獨為吾弟要是賢友生不見六七年微言誰與賡
常恐坦率性放縱不自程會合亦何事無言對空枰

使人之意消不善無由萌森然有六女包裹布與荆
無憂賴賢婦藜藿等大烹使子得行意青衫陋公卿
明日無晨炊倒床作雷鳴秋眠我東閣夜聽風雨聲
懸知不久別妙理重細評昨日忽出門孤舟轉西城
歸來北堂上古屋空嶒崢退食悞相從入門中自驚
南都信繁會人事水火爭念當閉閣坐頽然寄龍耳盲
妻子亦細事文章固虛名會須掃白髮不復用黃精

代書答梁先

此身與世真悠悠蒼顏華髮誰汝留強名太守古徐
州忘歸不如楚沫猴魯人豈獨不知立藉躋夫子無

罪尤異哉梁子清而脩不遠千里從我游瞭然正色
懸雙眸世之所馳子獨不一經通明傳節侯小楷精
絕規摹歐梁生學歐我衰廢學懶且媮畏見問事賈
長頭別來紅葉黃花秋夜夢見之起坐愁遺我駁石
盆與甌黑質白章聲琳球謂言山石生澗溝追琢尚
可王公羞感子佳意能無酬反將木瓜報珎投學如
富曾在博收仰取俯拾無遺籌道大如天不可求脩
其可見致其幽頽子篤實慎勿浮發憤忘食樂忘憂

韓幹馬十四匹

二馬並驅攢八蹄二馬宛頸駿尾齊一馬任前雙舉

後一馬却避長鳴嘶老髯奚官騎且顧前身作馬通
馬語後有八匹飲且行微流赴吻若有聲前者既濟
出林鶴後者欲涉鶴俛啄最後一匹馬中龍不嘶不
動尾搖風韓生畫馬真是馬蘇子作詩如見畫世無
伯樂亦無韓此詩此畫誰當看

贈寫御容妙善師

憶昔射策干先皇珠簾翠幄分兩箱紫衣中使下傳
詔跪奉冉冉聞天香仰觀眩晃目生暈但見曉色開
扶桑迎陽晚出來就坐絳紗玉斧光照廊野人不識
日月角髣髴尚記重瞳光三年歸來真一夢橋山松

檜淒風霜天容玉色誰敢畫老師古寺畫閉房夢中
神授心有得覺來信手筆已忘幅巾常服儼不動孤
臣入門涕自滂元老俯坐鬚眉古虎臣立侍冠劍長
平生慣寫龍鳳質肯顧草間猿與麀都人踏破鐵門
限黃金白壁空堆床尔來摹寫亦到我謂是先帝白
髮郎不須覽鏡坐自了明年乞身歸故鄉

哭刁景純

讀書想前輩每恨生不早紛紛少年場猶得見此老
此老如松栢不受雪霜槁直從毫末中自養到合抱
宏材之近用千歲自枯倒文章踰正始風節貫華皓

平生為人耳自為薄如縞是非雖難齊反覆看愈好
前年旅吳越把酒慶壽考扣門無晨夜百過迹未掃
但知從德公未省厭丘嫂別時公八十後會知難保
昨日故人書連年喪翁媪景純妻傷心范橋水漾漾
舞寒藻華堂不見人瘦馬空戀阜我欲江東去靴樽
酌行潦鏡湖無賀監痛哭稽山道忍見万松岡荒地
沒秋草

答呂梁仲屯閣

亂山回合一作圍彭門官居獨在懸水村地名居民
蕭條雜麋鹿小市冷落無雞豚黃河西來初不覺但

訝清泗流奔渾夜聞沙岸鳴甕盎曉看雪浪浮鵬鯤
呂梁自古喉吻地萬頃一抹何由吞坐觀入市卷閭
井吏民走盡餘王尊計窮路斷欲安適吟詩破屋愁
爲躄歲寒霜重水滄壑但見屋瓦留沙痕入城相對
如夢寐我亦僅免為魚鼈旋呼歌舞雜談笑不惜飲
醕空餅盆念君官舍冰雪冷新詩美酒聊相溫人生
如寄何不樂任使絳蠟燒黃昏宣房未築淮泗滿故
道堙滅瘡痍存明年勞苦應更甚我當奮錘先點髡
付君萬指代頑石千鎚雷動蒼山根高城如鐵洪口
決談笑却掃看崩奔農夫掉臂免狼顧秋穀布野如

雲屯還須更置軟脚酒為君擊鼓行金樽

張寺丞益齋

張子作齋舍而以益為名吾聞之夫子永益非速成
譬如遠遊客日夜事征行今年適燕薊明年走蠻荆
東觀盡滄海西涉渭與涇歸來閉戶坐八方在軒庭
又如學醫人識病由飽更風雨晦明淫跛蹙瘡聾盲
虛實在其脉靜躁在其情榮枯在其色壽夭在其形
苟能閱千人望見知死生為學務日益此言當自程
為道貴日損此理在既盈願君書此詩以為益齋銘

荅孔周翰求書與詩

身閑曷不長閉口天寒正好深藏手吟詩寫字有底
忙未脫多生宿塵垢不蒙譏訶子厚疾反更刻畫無
鹽醜征西自有家雞肥太白應驚飯山瘦與君相從
知樂日東風待得花開否撥棄萬事勿復談百觚之
後船辭酒

7

